

Aningaasanoorutit ilaannit aningaasanik agguassisarneq pillugu tapeeriaatsit, tapiiffiqineqarnissamut piumasaqaatit il.il. pillugit Namminersorlutik Oqartussat nalunaarutaat nr. 2, 26. januar 2015-imeersoq

Aningaasanoorutit ilaannit iluanaarutinit agguassisarneq pillugu Inatsisartut Inatsisaanni nr. 10, 22. november 2011-meersumi § 8, imm. 1-4, naapertorlugu, aalajangersarneqarpoq:

Kapitali 1

Tamanut iluaqutaasussamik siunertat

§ 1. Tamanut iluaqutaasussamik siunertaq imatut paasineqassaaq tassaasoq, ingerlatsineq qinnuteqartunut amerlasuunut, peqataasussanut innuttaasunullu nalinginnaasumik iluaqutaasussaqq.

§ 2. Tamanut iluaqutaasussamik siunertat inatsisitigut aalajangersakkat ima paasineqassapput tassaasut, timersornerit tamanit peqataaffigineqarsinnaasut, innarluutillit utoqqaallu timersorneri ilanggullugit, piukkunnaatillit pikkorinnerillu timersorneri aamma meeqqat inuusuttullu peqatigiiffii, tak. §§ 4-6.

§ 3. Tamanut iluaqutaasussamik siunertat allat imatut paasineqassapput tassaasut, siunertat kulturimut tunngasut, siunertat inunniq qaammarsaanermut tunngasut, siunertat nappaatinik akiuiniarnermut pinaveersaartitsinermullu tunngasut, siunertat inooqatigiinnermut tunngasut, siunertat silami sammisaqartitsinermut tunngasut aamma siunertat tamanut iluaqutaasussamik ilisimatusarnermut tunngasut.

Kapitali 2

Tamanut iluaqutaasussamik siunertanut inatsisitigut aalajangersakkanut tapiissutit

§ 4. Timersorneq tamanit peqataaffigineqarsinnaasoq paasineqassaaq tassaasoq timersornerup ilaa, timersortartut pikkorinnerit naammassisartagaannit unammisarnerannillu allaanerusunik imaqartoq.

§ 5. Piukkunnaatillit pikkorissullu timersornerat paasineqassaaq tassaasoq timersornerup ilaa, peqatigiiffinni iligiit toqqakkat, nunami timersortartut pikkorinnerpaat, nunanut allanut unammisartut nunallu tamat akornanni unamminernut peqataasartut ingerlassaat.

§ 6. Meeqqat inuusuttullu peqatigiiffii paasineqassapput tassaasut, peqatigiiffiit ilaasortat akiliuteqartartut minnerpaamik affaasa 30-t inorlugit ukioqarlutik ilaasortaaffigisaat.

§ 7. Tamanut iluaqutaasussamik siunertanut inatsisitigut aalajangersakkanut tapiissutit, aningaasanoorutit ilaannit iluanaarutinit agguassisarneq pillugu Inatsisartut Inatsisaanni tamanna pillugu aalajangersakkat naapertorlugin tunniunneqartassapput.

Imm. 2. Tamanut iluaqutaasussamik siunertanut inatsisitigut aalajangersakkanut tapiissutit killilimmik annertussuseqartumik paassisutissiinermik aamma allaffissornermik siunertanut atorneqarsinnaapput.

Kapitali 3

Tapeeriaatsit

§ 8. Tapiissutit suliniutinut tapiissutit aamma ingerlatsinermut tapiissutit tunniunneqarsinnaapput.
Imm. 2. Kultureqarnermut Naalakkersuisoq tapiissutisinissamut piumasaqaatinik ilanngussaqarsinnaavoq.

§ 9. Suliniutinut tapiissutit paasineqassapput tassaasut, ingerlassamut piffissami killilimmi ingerlanneqartussamut aamma aalajangersimasumik anguniagalimmut naggataatigulluunniit angusaqarfiusussamut tapiissutit.

Imm. 2. Tapiissutit annertussusiat tassaavoq missingersuutip tapiiffigineqarsinnaasup 75%-ia angullugu. Taamaattorli annerpaamik 200.000 koruunit akuersissutigineqarsinnaapput.

Imm. 3. Suliniuteqarfinnut naalakkersuinikkut salliuinneqartunut imm. 2-mi, naggatit aappaanni taaneqartumik qaffasinnerusunik tapiisoqarsinnaavoq. Suliniuteqarfiit suut qaqugukkulluunniit naalakkersuinikkut salliuinneqarnersut nittartagaq www.naalakkersuisut.gl

[\(http://www.naalakkersuisut.gl/\)](http://www.naalakkersuisut.gl/) aqqtigalugu Kultureqarnermut Naalakkersuisup tamanut saqqumiutissavai.

§ 10. Ingerlatsinermut tapiissutit paasineqassapput tassaasut, sammisarisamik ingerlatsinermut ingerlaavartumik aningaasartuutit matussusernissaannut tapiissutit, tamatumunnga ilanngullugit atorfeqartitanut, sulisorisanut, ininut allaffisornermullu aningaasartuutit.

Imm. 2. 90.000 koruunit angullugit tapiisoqarsinnaavoq.

Tapiiffigineqarsinnaanermut piumasaqaatit

§ 11. Inunnut nunami maani najugaqartunut imaluunniit peqatigiiffinnut, kattuffinnut, suliffeqarfinnut, oqartussaasunut il.il. Kalaallit Nunaanni angerlarsimaffeqartunut taamaallaat tapiissuteqartoqarsinnaavoq.

Imm. 2. Kattuffinnut peqatigiiffinnullu qulit ataallugit akiliisartunik ilaasortalinnut tapiisoqarsinnaanngilaq.

Imm. 3. Ingerlatsinermut tapit taamaallaat tunniunneqarsinnaapput nuna tamakkerlugu peqatigiiffinnut kattuffinnullu.

§ 12. Tapiissutinik qinnuteqaatip imarissavai, ingerlatassap tapiiffigeqqullugu qinnutigisap allaaserinera, tamatumunnga ilanngullugit suliniutinut tapiissutit imaluunniit ingerlatsinermut tapiissutit pineqarnersut.

Imm. 2. Qinnuteqaammut isertitassanut aningaasartuutissanullu missingersuut aamma ingerlanniakkap aningaasalersornissaanut pilersaarut ilanngunneqassapput.

Imm. 3. Suliniutinut tapiissutinik qinnuteqaammut aammataaq makkununnga upernarsaatit ilanngunneqassapput:

- 1) suliniutip allaaserinera naapertorlugu inunnit suliniutip piviusunngortinnissaanut pingaaruteqartunit peqataaniarluni akuersissutit aamma
- 2) suliniutip allaaserinera naapertorlugu init atortullu atorneqartussat atorneqarsinnaanerannut upernarsaatit.

Imm. 4. Peqatigiiffiit kattuffiillu malittarisassat akuerisat aamma ilaasortanut akileraasunut upernarsaat ilanngutissavaat.

§ 13. Kultureqarnermut Naalakkersuisoq siunertanut tamanut iluaqutaasussamik ilisimatusarnermut tunngasunut tapiissutinik qinnuteqaatit pillugit erseqqinnerusunik aalajangersaasinnaavoq, aamma qinnuteqaatinut taamaattunut tunngatillugu qinnuteqaatit kingusinnerpaamik tunniunneqarfissaat

pillugu erseqqinnerusumik Naalakkersuisoq immikkut aalajangersaasinnaavoq.

§ 14. Suliniutinut tapiissutit, suliniutinut qinnuteqarnermiit ukiut tallimat iluanni naammassineqartussanut tunniunneqarsinnaapput.

§ 15. Ingerlatsinermut tapiissutit annerpaamik ukiut ataasiakkaarlugit akuersissutigineqarsinnaapput.
Imm. 2. Tapiissutit ukiut tamaasa qinnutigeqqinnejarsinnaapput.

§ 16. Makkununnga tapiissuteqartoqarsinnaanngilaq:

- 1) Tamanut iluaqutaasussamik siunertanut inatsisitigut aalajangersakkanut, tak. § 2.
- 2) Sulinngiffeqarluni angalanernut, paasisassarsiorluni angalanernut, ilisimasassarsiorernut ilinniarnernullu.
- 3) Angalanernut pikkorissarnernullu sulisitsisumit akilerneqartussatut ilimagineqartunut.
- 4) Sakkutinik/nipilersuutinik, hardwarenik aamma softwarenik, atortussanik sakkussanillu pisinernut.
- 5) Eqqugassanut.
- 6) Nutaanik sanaartukkanut nutarterinernullu.
- 7) Niuernermut atasumik nioqqutissianut, atuakkanik naqiterineq eqqaassanngikkaanni, taamaattoq tak. nr. 15.
- 8) Ingerlatanut, qinnuteqartup nalinginnaasumik missingersuutaasa iluanni akilerneqarsinnaasutut naatsorsuutigineqartunut.
- 9) Ingerlatanut, inatsit alla naapertorlugu qinnuteqartumut isumagisassaaitaareersunut.
- 10) Ingerlatanut, qinnuteqarnissamut killigititap nallernerani aallartinneqareersimasunut.
- 11) Amigartoorutinik matussusiinermut.
- 12) Nittartakkanik pilersitsinermut ingerlatsinermullu.
- 13) Aaqqissuussinernut imaluunniit aaqqissuussinerit ilaannut, ingerlatsinerup ilaatut immiaaqqanik, viinninik imaluunniit imigassamik sassaalliiortalinnut, imaluunniit ingerlatamat atatillugu imigassanik tuniniaaffiusunut
- 14) Katersuiniarnernut.
- 15) Qinnuteqartup nammineq naqiterivianit saqqummersitanut.
- 16) Saqqummersitseqqinnernut, atuakkat cd-llu ilanngullugit.

§ 17. Tapiissutit akuersissutigineqartut, siunertanut ingerlatsinernullu tapiiffigeqqullugit qinnutigineqartunit allaanernut atorneqarsinnaanngillat.

Qinnuteqarnermi periutsit

§ 18. Tapiiffigineqarnissamik qinnuteqaat aningaasartuutissanut isertitassanullu missingersuutinik aamma aningaasalersuinissamik pilersaarummik ilaqtinneqartoq kultureqarnermut Naalakkersuisup elektroniskimik immersugassiaa atorlugu ilusilorsorneqassaaq, tamatumalu kingorna elektroniskimik Ilinniartitaanermut, Kultureqarnermut, Ilisimatusarnermut llageeqarnermullu Naalakkersuisoqarfimmumt nassiunneqarluni.

Imm. 2. Suliniutinut tapiissutinik aamma ingerlatsinermut tapiissutinik qinnuteqaatit tamarmik immikkut suliarineqarlutik nassiunneqassapput.

§ 19. Suliniutinut tapiissutit ukiumut sisamararluni qinnutigineqarsinnaapput.

Imm. 2. Ullut kingusinnerpaamik qinnuteqarfissat aalajangiunneqarput tassaasut 15. februar, 15. april, 15. september aamma 15. november.

§ 20. Ingerlatsinermut tapiissutit ukiumut ataasiarluni qinnutigineqarsinnaapput.

Imm. 2. Ulloq kingusinnerpaamik qinnuteqarfissaq aalajangiunneqarpoq tassaasoq 1. december.

§ 21. Suliniutinut tapiissutinik tigusaqartup, suliniutip naammassineraniit kingusinnerpaamik qaammatit pingasut qaangiunneranni tapiissutit atornerannut naatsorsuutit atsiukkat Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmum nassiutissavai.
Imm. 2. Minnerpaamik 150.000 koruunit tapiissutigineqarsimappata, naatsorsuutit kukkunersiuisumit naalagaaffimmit akuerisaasumit imaluunniit kukkunersiusutut nalunaarsukkamit kukkunersiorneqarsimassapput.

§ 22. Kukkunersiuineq ingerlanneqassaaq kukkunersiuinermi ileqqut pitsaasut naapertorlugit.

Imm. 2. Kukkunersiuinermi ilaatigut makku misissoqqinnejassapput:

- 1) Suliniutip naatsorsuutai eqqortuunersut pingaarutilinnillu kukkuneqaratillu amigaateqannginnersut.
- 2) Tapiissuteqarnermut piumasaqaataasut naammassineqarsimanersut.
- 3) Tapiissutit siunertarineqartumut atorneqarsimanersut.
- 4) Tapiissutinik tigusaqartoq aningaasaqarnermut tunngatillugu pisussaaffinnik mianerinnissimanersoq.
- 5) Paasissutissat, tapiissutinik tigusaqartup sulinummum tunngatillugu Naalakkersuisunut nalunaarutigismasai upternarsaatissaqarnersut.

Imm. 3. Ilinniartitaanermut, Kultureqarnermut, ilisimatusarnermut Ilageeqarnermullu Naalakkersuisoqarfiup taamungaannaq tigooqqaalluni misiliinikkut naatsorsuutit misissussavai.

§ 23. Suliniutinut tapiissutinut 150.000 koruunit ataallugit annertussusilinnut tunngatillugu kukkunersiuisoqassangilaq. Naatsorsuutit tapiissutinik tigusisup atsiorsimasai naammapput. Tapiissutinik tigusisup atsiornermigut upternarsassavaa, naatsorsuutit eqqortuusut, tapiissutinik tigusisoq aningaasaqarnermut tunngatillugu pisussaaffinnik mianerinnissimasoq aamma tapiissutit siunertamut atorneqarsimasut.

Imm. 2. Suliniutinut 150.000 koruunit ataallugit tapiissutinik tigusaqartoq, tapiissuteqartumit allamit imaluunniit tapiissuteqartartunit allanit tapiissutisisimaguni, tamanna pillugu upternarsaammik Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmum nassiussissaaq.

§ 24. Ingerlatsinermut tapiissutinik tigusaqartup, ukiumut naatsorsuutit inernerri aamma kukkunersiusup nalunaarutaa atsiugaq Ilinniartitaanermut, Kultureqarnermut, ilisimatusarnermut Ilageeqarnermullu Naalakkersuisoqarfimmum nassiutissavai, kingusinnerpaamik tapiissutit tunniunneqarnerannit ukiup tulliani 1. juni.

Imm. 2. Ukiumut naatsorsuutit kukkunersiusumit naalagaaffimmit akuerisaasumit imaluunniit kukkunersiusutut nalunaarsukkamit kukkunersiorneqarsimassapput. Kukkunersiuinermi § 22, imm. 2-mi, nr. 1-5-imi piumasaqaatit allanneqartut kukkunersiusup misileqqissavai.

§ 25. Sulinummum tapiissutinik tigusaqartup Sullissivik.gl-imi nalilersuinermi immersugassaq immersussavaa.

Imm. 2. Nalilersuinermi immersugaq Ilinniartitaanermut, Kultureqarnermut, ilisimatusarnermut Ilageeqarnermullu Naalakkersuisoqarfimmum nassiunneqassaaq, kingusinnerpaamik ingerlassap tapiiffigineqartup naammassineraniit qaammatit 2 qaangiunneranni.

§ 26. Ilinniartitaanermut, Kultureqarnermut, ilisimatusarnermut Ilageeqarnermullu Naalakkersuisoqarfiup tapiissutinik tigusisoq qaqugukkulluunniit qinnuigisinnavaat paasissutissanik ingerlassamut tapiiffigineqartumut attuumassuteqartunik nassiusseqqullugu.

§ 27. Suliniutinut aamma ingerlatsinermut tapiissutit akuersissutigineqartut tamakkiisumik

ilaannakortumilluunniit utertillugit akileqquneqarsinnaapput, imattoqarpat:

- 1) Tapiiffingineqartup tapiiffingineqarnissamut piumasaqaataasut naammassisinnaajunnaarpagit.
- 2) Tapiiffingineqartup tapiissutitut akuersissutigineqartunut piumasaqaataajunnartut naammassinngippagit.
- 3) Qinnuteqartoq eqquunngitsunik paassisutissiisimappat.
- 4) Tapiiffingineqartup paassisutissat naapertuuttut, naatsorsuutit aamma nalilersuinermi immersugassaq ilanngullugit, nassiukkumanngippagit.
- 5) Ingerlassaq tapiiffingineqartoq sinneqartooruteqarfiuppat.

§ 28. Ilanniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup kikkut tapiissutinik tigusaqarsimanersut, tapiissutitut akuersissutigineqartut annertussusaat tapiissutillu sumut akuersissutigineqarnerat Sullissivik.gl aqqutigalugu tamanut saqqummiutissavaa.

Kapitali 4

Atortuulersinneqarfia

§ 29. Nalunaarut atuutilerpoq 1. marts 2015.

Namminersorlutik Oqartussat, 26. januar 2015.

Nivi Olsen

/

Mikael Kristensen